

敦夙好齋詩全集

敦夙好齋詩續編卷七

丁巳七月八月

漢陽葉名澧翰源著

薇省二集七

頤園

豐宜西去路如弓遙指名園帶綺櫳勝日鶯花游屐滿
多情泉石輭塵空殘荷零亂餘晨露垂柳淒迷向晚風
十載更尋金氏墅

凡五
莊

夕陽野望悵歸驄

送劉炯父大令官甘肅

祖帳城南酒幾行故人慷慨賦伊涼
一秋風雨迷天遠

四塞河山覽古長
遺俗應教安復穴
清時早爲議屯防

前賢政蹟停車問
父老謳思久未忘

謂龔海峰兵備景瀚乾隆年間官甘肅以循吏稱於

君爲鄉先輩云

得胡東谷書卻寄

朔風江上拏舟別
對酒高歌燭影昏
生事茫茫猶過夢
儒冠落落漫云尊
枯楊幾賸桓公壘
芳草空招處士魂
好待眼中兵氣靖
粉榆重與話雞豚

朱伯韓以讀山陽潘先生養一齋集詩見示因成

一律

山陽一老詩無敵風雨低徊二十年知己千秋誰後死
畢生孤詣在茲編多愁不見張平子亭父高論還聞魯仲
連通父存歿正深今日感與君對酒轉淒然

題朱伯韓詩卷後次伯韓讀養一齋集韻

君詩脫口珠玉唾篇終我欲千古賀龍文百斛孰與扛
虎氣中霄不能挫早聞椽筆登廟堂竭來鄉里憫飢餓
雪霜千里遵王程蓬蒿三徑罷高卧孤調桐吟厨爨閒
六月鵬息滄溟大僑居密邇忘主賓餘技競病爭勇悞
世事扣槃空復勞光陰磨蟻等閒過交臂恨失山陽翁

北面思奉臯比座痛菱枝蔓尋萌芽俯視蟲鳥陋鳴和
大才盤鬱甯詞章在抱恫瘝敢媮情五袴還聞來暮歌

鐙火家家民夜作

不禁火民夜作見後漢書廉范傳

七夕同楊汀鷺作

今夕不風雨悠悠瓜果筵吾曹甯自用牛女竟誰憐斜
月微侵戶流雲漸滿天休論來日事一醉且陶然

初秋早起汪仲穆邀同陳作梅許海秋楊汀鷺游

慈仁寺

好禽先我起款騎作清游皓露經宵下祇林數客留危

松含宿霽野卉挺初秋欲叩三車義勞生事莫休

次韻答孔宥函二首

悠悠相見時豪氣誰與比奈何江海心而使局鄉里浮
雲乘霄翔變滅匪一體卻顧爲樂地風雨判年齒鼎鐘
闕高名觴醵念童子與君豈春華桑榆企終美

低首求風詩乃羞鄩下比牛鐸應鐘鳴相感越千里飄
然吳越游哦詩託變體君近刻于南詩錄潘翁久黃泉圖續慟

吾子

君有東岡夕照圖追懷四農師而作

節思悶元精繕性抗遐齒以我

車馬煩羨汝林壑美

曉過金鰲玉竦

陽澤門東路飛梁跨遠空樓臺秋日澹菡萏曉煙叢瘦
馬誰司隸閒門自翟公臨流意何盡遮莫鬢如蓬

贈博爾濟吉特厚菴戶部

錫涪

題詩卷後

之子殊奇特脩然人海申十年看鬢髮舊侶感萍蓬
澣日勞相訪詩篇喜汝工天涯烽未靖磨劍倚霜空

趨直感賦

瞳矐曉日門初啓躑躅秋風馬不前一夜露華動金掌
幾行池柳賸青煙時艱無地陳籌策公退何心競管絃

底事宦情增激宕漫將人事斂筵尊

贈鍾辛伯

鼎君居江甯
先世爲順天人

戎馬悲江表風煙望

帝京百年耆舊盡老屋故鄉情執手秋方好論文意已
傾天涯問消息那惜酒盈觥

秋日十刹海晚望

此地經年別蹉跎歲序闌秋風吹客鬢斜日一憑欄枝
上果初落湖邊荷欲殘舉頭山色近更待雪中看

贈吳又桓同年

榮又桓
黃岡人

江漢傳聞已解兵故人相見話生平
補牢誰償亡羊事沒石空懷射虎情
劫後詩篇饒跌宕醉時豪氣自縱橫
西陵東下今何似更訊將軍細柳營

雨後訪汪仲穆

重闔問訊故人遙客夢飛騰幾暮朝
猛雨狂風炎氣盡名香苦薜靜中消
過牆樹色參青紫傍午禽聲破寂寥
乘興莫忘明月夜詩人酒伴遞相邀

薄宦

薄宦東華聽鼓忙十年冠佩趁朝行
麒麟作援從登市

竿木隨身枉入場夜客誰憐長伯恥酒徒不礙次公狂
花瓢影過歸來晚靜掩簾櫳裊篆香

中元有感

上都此佳節風物比清明廣陌輜輶會殊鄉薦祀情蓮
華浮水淨蒿葉綴鐙輕回望天涯路淒其霜露盈

竟夕

竟夕虛幃坐蕭然喜始秋雨風蕩暄濁庭戶得清幽燭
影欹窗暗蛙聲隔巷稠撚鬚默無語覓句散閒愁

酒後贈楊汀鷺

我友楊夫子頻年共酒觥愁中忘索寞醉後益崢嶸
午夜江湖夢新秋鴻鴈聲
人無意緒空復助詩情

贈王霞舉

軒

王生過我時乃在石州宅一揖情乍申驚鴻瞥無迹
蹉跎逾十年姓字曾未識吁嗟有心人愛我不去臆
竭來名刺通狂喜破岑寂執手各悲歎回頭失游歷
張侯渺難追爾我復良覲君篤感舊懷于學愈深析
馳驅太行道歌詠誰與敵
緊我何所爲一官等枵櫟相對轉增媿
攬鏡髯如戟乾坤正瀕洞江海滿鋒鏑
筮仕無崇卑勉

哉寸心赤

晚過野寺

斜日下原野偶爲蘭若行幾年罷香火殘衲尙逢迎
去鳥衝風急疏花隔水明欲歸還徙倚誰識我無營

秋夜

隱几方寥寂街頭報幾更深帷停夜氣獨樹下秋聲息
養逾時好恩仇此際平化機紛在眼漫說事無生

夜起

夜永辭高枕徘徊欲啓扃睡酣忘警櫺窗破數明星瓶

水餘花白篝燈短穗青殘叢
支架近展卷豁心靈

夕照寺

迢遞路三叉禪關許駐車
蛙鳴寒水遠鳥下晚風斜
古壁圖龍鉢殘僧護菊芽
忽聞蘆荻響徑欲泛漁槎

秋日偕汪仲穆許海秋楊汀鷺
詒瑞卿

命年

酒後

游城南諸寺至暮始散三首

市樓一尊罷攬轡指城陰
幾日棗花盡虛堂苔氣深
訪秋人漸少呼舊畫誰尋
欲向空王語茫茫劫外心

崇效寺久

形荒廢寺僧他往眾客欲觀
紅杏青松圖卷不可得也

平野蕩秋霽陂陀轉戶斜高雲倚貝葉宿露潤叢花對

客僧常定沿籬犬不譁匆匆竟辭去約略暮天鴉

永樂禪林

暫留龍樹下復問贊公房瓶鉢君將倦鬚髯我已長半

生託文字世事付蒼茫更與羣公別蕭蕭荻葦涼

龍樹寺謹

庵上人三十年前所識今來挂錫於此復與晤談

秋日以事詣玉泉山下口占

照我重闌月催人隔巷雞一官等曹掾五夜逐輪蹄舉

首紅雲近霑衣白露淒徘徊池樹畔清影動鳬鷺

德勝門外口占

事以女不...
千年尙見薊邱尊遙望平沙帶水痕荷葉微黃花事了
驅車重過北安門

淀園卽事

巖城乍啓趁青驄石路彎環幾折通太液微波分曉色
長楊別館散秋風委蛇臺省羣公後荏苒年華尺籍中
了事翻嫌歸去速卻瞻峰翠轉晴空

市中得錢南園御史

禮

畫馬因爲題詠

雲南昆明人乾隆間

以直
開

昨誦先生集曾吟畫馬詩

先生集中有
自題畫馬詩

逍遙在胸臆颯

爽見風婆市肆誰能寶驂騮迴自奇豈無千里選今日

復奚爲

謂先生逝已久而畫手不可得也

咏秋二首同楊汀鷺何青士作

中庭幾日卸輕羅裁就單衫被體和露下不妨宵坐久

霜尚其奈曉寒何春人杏子痕猶憶遷客蘆花淚已多

惆悵衰棉時節近空箱一閉復蹉跎

秋衫

金風爲我卻絺衣紈素相從那遽違昨夜星辰餘暑在

薄寒簾幙故人非招來明月休教妬撲到流螢已嬾飛

篋底暫拋非永別恩情中道故依依

秋扇

夜出西便門卽景

殘月遙隨石路尋
宵涼愛聽百蟲吟
迷離飲馬泉何處
一穗秋鐙出柳陰

淀園曉直

九天曙景啓微茫
碧砌丹楹

禁籞長排日
門扉趨宿衛
環橋冠佩聚
諸郎鐘聲迢遞
隨風遠柳色
蕭疏拂地涼
江漢喜聞軍
令捷羽書昨已
達明光

送劉詠如

曾撰

之官湖南

先公昔佐使臣幕我祖曾爲同舍生

君祖英初編修制
紹興先大父館陳

望之承宣淮湖北
幕中乾隆時事也

當代聲名溯文獻百年孫子見交情

燕山寂寞征衣冷湘水蒼茫去棹輕一命從來期有濟

願將甲第副

昇平

與楊汀鷺飲

知我豈無人今宵語益真愁來憑斗酒門外任車塵狂
論原非職歡場別有鄰且尋吾輩事鉛槧莫逡巡

憶劉炯父

昨過先生宅蕭然舊板扉停車知馬性回首見禽飛獨
客秋風冷銅街夕照微蘆溝羨君去百里未云非

夜過斜街

殘月斜街夜未央五更清露著衣涼參差屋瓦明于水
十萬人家秋夢長

夜詠

獨坐空堂久無心問鬢毛夜光升院靜詩語得秋高征
鴈汝何往荒雞漸已號流年空復爾祇覺酒堪豪

白紙坊

白紙坊前野水明
雜花歷亂不知名
沙隄一帶秋風裏
何處荒林鐘梵聲

贈晁星門

貽端

一卧江村廿載餘
劫來莫問等身書
長安市上重相見
秋草茫茫望故廬

秋思

纖月在林際
清商小院中
因風驚宿鳥
隨意聽秋蟲
畫

憶瀟湘遠

偶於廐寺見王蓬心太守
宸畫瀟湘圖爲人所得

詩悲苜蓿窮

新得
亡友

黃香銀翁

掩關方寂寞
秋思與誰同

苜蓿集

敦夙好齋詩續編

卷七

憶衢州

鼓汰揚帆下武林重陽天氣感難禁秋風十六年前事

大末山光夢裏尋

衢州秦日大末子壬寅年重九役別玉山旅舍有揚帆下大末不憚武林

遙之句

過天橋追悼黃香鐵翁

雕檻青帘舊酒樓與君當日倒深甌晚來風起飛鴉亂
策馬橋邊不可留

秋日入直

十五年來傍

禁中飽看秋色掖門東流光尙覺鬚眉健好景相將舊
侶同帽影參差瑤砌日車聲馳逐玉河風紫薇花下排

徊久敢效香山更喚翁

紫薇花對紫薇郎紫薇花對紫薇翁皆白香山句也

七月二十九日宋王伯厚先生生辰招同晁星門

汪仲穆何子貞朱伯韓李子衡楊汀鷺王霞舉設
祀新摹畫象於齋中卽席以先生困學紀聞自識
語開卷有得述爲紀聞分韻得有字

咸豐七年秋七月日廿九言招我同人焚香肅饋卣借
問祀者誰有宋深甯叟惟公困學編髫齡不離手門牆

雖未窺向往心每有公詞何謙抑恥與凡俗偶晚歲崇
樸直名實貫根紐炯如象緯懸浩若江漢走詞章餘事
爲天人漢師守集英詔士時得卷亟俯首偉人世運持
弗貽末路醜以公宏濟才艱危敢噤口竟以權相言著
書返蓬牖乾坤板蕩間傷哉歲月久丹黃遺滿家有覈
沉林藪錢君勰譜錄陳侯復精剖裁然一象存勝國奉
章綬摹寫容未眞精神猛抖擻

嘉定錢竹汀后事大昕編先生年譜手據延祐

四明志鄞縣陳漁璠大令僅訪聞先生後人有居南鄉
唐家匯者求得畫象及家乘有年譜在焉以校錢譜十
譌八九別爲編次成書縮臨小象冠諸卷首名遣倩人
更摹一本設祀齋中象具冠帶袍笏一遵宋制與全謝

山先生祖望所云杜愧非牟應龍袁梅生儔二公皆先生門人邪許
敦侑友燈火清影深秋聲徹廬吼函丈儼列前笑談誓
無苟爲語我同人毋忘此尊酒

柬王霞舉

銅馬門南秋色深故人詩思劇蕭森山川幾度悲行旅
風雨中宵抱苦心愚叟移山終可遂孟生賸草那堪尋
時同人議校刊張石州遺文高樓美酒今無價不惜狂呼一散襟

過朱笥河學士故宅有感

在李鐵拐斜街

一代文章耀上台乾隆時事付低徊萬千圖籍搜求徧

八百孤寒涕淚哀
宦轍蕭然惟襤被
門牆今日閉荒苔
弟兄並以憐才著

謂文正公珪

獨立秋風首重回

觀菜園北晚望

園林百代都無主
峭嶮當風偶一登
微雨遙看來去屐
疏林閒坐兩三僧
離離沙草誰調馬
冉冉街樓已上燈
興罷忽驚涼露下
青衫蕭瑟暮寒增

丁儉卿封翁寄示萊菔行紀
淮上近事也因和一篇

丁翁寄我萊菔行
我讀甫終淚欲傾
江淮南北數大郡

兵燹未了悲殘生彼蒼由來至仁愛不待人力相屏營
四郊黃臉蔽雲起禾稼安望場圃盈萊菔累累孰所種
北鄉父老雙目瞠質堅味沃歷凡菽家家歡飽香浮羹
神農本草書未備注家籌濟心彌精紅衣女子何處降
小姑歌詞明且清見李時珍本草綱目豈惟宿疾霍然已枵腹奚
營梁肉撐儒生泥古翻適用耳目所及羣疑明青天迢
遙幾千里時復夢子談笑迎手把新詩獨默默夜看星
斗橫庚庚萊菔萊菔微物耳乃與黍稷功效呈側身南
望發長歎何時漕轉江東秬

與楊汀鷺游琉璃書肆有作

楊君嗜古無與敵羣書到眼如電激開篋示我文數篇
毛傳疑義渙然釋亭午風日暄且柔管絃嬾上城東樓
我時下直苦無事欲策疲馬將焉投審殿東西少塵土
肩輿不駐公與侯書賈闌道輒相迓應接恍若山陰游
錦囊綈帙奉高閣我愛零碎珠璣求兔園故物隨處是
不脛而走奇贏謀往時乾隆關四庫丹鉛勤苦詞館儔
百年以來異風尚金鑽石室陸難周楊君對我忽長笑
我輩性情本孤調但教入室爭崔儵一任小兒目邢邵

分陰寸晷歎蟻磨伏獵弄輦等螢爝寶山未可茲游推
羨君一人非空回蟲魚莫以箋注咍趙宋雕刻存十一

殘帙幸免昆明灰我爲君賀陳金罍

君購得爾雅正義南宋刻本也

秋日同許海秋王霞舉楊汀鸞市樓醉後作

斜日登危樓徐見初月升濛濛草樹際月落餘煙騰狂
呼紀家叟有酒方如澠傭保任左右所趨弗相凌高秋
氣已肅始掃蝨與蠅縱論忘爾我詎以詩書矜罷歸語
未竟揮手辭高層騶子亟馳騁矯健侔蒼鷹長衢莽昏

黑延袤兩三燈

敦夙好齋詩續編

卷七

古

丁頤伯仲山齋中小飲

公退此相聚悠悠自歲年
泉刀愁市閨螟螣望江天
痛飲秋風晚憂時倦眼懸
依依庭畔月欲去尙纏綿

送符南樵出都

時將之保定濟南

一唱宣南楊柳詞攀條欲別重相思

君作宣南秋柳詞十首紀別關

河渺渺秋光遠霜露霏霏去馬遲
勝地蒼茫愁倦旅高名浩蕩動清時
知君到處逢迎早卷軸隨身傲惠施

酒間贈孔改菴

廣稷

故人有令子詩句劇清溫縱目千年上
精心五字尊江

關兵未息旅食劍空存莫以卑官歎相期此酒樽

東許海秋

知爾方扃戶經旬句嬾題一官容養疾何地遂幽棲歸
夢殘秋月豪情午夜雞值徊華省下我亦倦輪蹄

贈譚仲修

廷獻

風雨長安市蕭然異地秋孤吟勞越客身世問吳鉤盛
業期無盡英才已莫儔城南多美酒一醉遣牢愁

吳蓮芬監司

文錫

言嘗五度劍門以紀行圖卷見

示

青雲依魏闕白髮念征袍休說殘叢險渾忘馬足勞宦
游成夢寐圖畫動蕭騷更望鄉關路秋風去鴈高時將歸揚州

龍樹寺卽目

城堞參差到几前一堂冠帶自翩翩亂葦衰葦紛秋色
大酒肥魚恣綺筵斜日漫愁簫管遠江關振觸羽書傳
無聊獨上高樓望寂寞山容向我妍

趨公夜出西便門赴淀園道中作

登車雞未唱九陌夜漫漫側徑層沙轉嚴城聚櫟殘人

家倚昏黑星氣動高寒已自馮唐勝馳驅胡浩歎

秋夜李子衡招飲

相謀文字樂暇日一盤桓嗜好從吾輩壺觴戀夜闌秋
聲無定所月色盡情看暫別成惆悵涼風露渺漫

贈符南樵

風吹離緒入金徽聽到絃終淚滿衣衰草連天秋欲徧
故山南望不成歸

過某氏小園

客至啓朱戶經年生綠苔秋蟲階砌語高柳雨風來未

是東山隱堪憐北海杯藏書昔盈架零落蠹餘灰

晚過永樂禪林

永樂舊禪寺開門斜日曛疏花延客屐老樹亂鴉羣丈
室禪心定孤游我意欣良宵應有待皓月與流雲

贈吳子珍

懷珍

落落孤征客悠悠

帝里塵歌吟空有淚龜策不能神執手清秋晚爲歡意

氣真所思山水窟十載夢猶親

子珍杭州人
名禮辛丑年曾過杭州迄今十七

年矣

中秋下直

聯步散朋曹馳驅未是勞
交衢徧寒餓列肆急錐刀
令節來何易秋風望獨高
含情聊自問慚媿祿糈叨

將入西直門小憩古寺

叩門暫休憩勝蹟有誰詳
避犬立烟徑看雲坐佛廊
橫空鴉語遠而野葦花涼
不盡蕭閒意高城送夕陽

晁星門館中夜話

求郡吾何敢窮途爾莫憎
西風聞客館竟夜一孤燈
消息愁相慰行藏孰與憑
豈無琴在壁久矣媿孫登

中秋後二日市樓夜醉

天邊留得中秋月市上遙呼買酒家
醉向高樓滅華燭
幾行秋鴈散平沙

游龍樹天甯二寺後夜集許海秋寓齋

秋氣日蕭索禪關乘興游野風吹客鬢斜
日望中州倦
就故人宅還爲熟醉謀招呼天畔月相與盪羈愁

朱伯韓招同李子衡楊汀鷺吳子珍譚仲修集飲
醉成一絕

鐙火沈沈夜漏長酒壚轟飲累千觴
門前不盡天涯路

如此歡娛未可忘

晚眺

漸衰垂柳色更少候蟲哀大野秋云老斜陽景易催無
邊山翠落幾陣塞鴻來極目真無賴浮生首重回

寒露後四日楊汀鷺招同朱伯韓韓介孫許海秋
李子衡鍾辛伯吳子珍譚仲修小飲

八月秋風天未寒疏燈小市酒盃寬眼中突兀千秋傑
篋底光芒幾卷殘張掾鱸蓴隨夢遠庾郎鮭菜及時歡
層樓咫尺繁絃亂星斗離離去路看

雨夜

凜秋苦無俚風雨汎蕭蕭
嬾還嬉游侶愁深早暮潮
陰雲團老屋木葉變寒宵
暫與尊罍屏殘燈幾度挑

夜過晁星門寓適有僕來自六安攜其鄉人手札
備述近事感作

故人有僕天邊至夜雨疏燈問訊頻
廬舍幾楹存白壁圖書萬卷委黃巾
公家急務惟戈甲吾黨深憂豈賤貧
讀罷尺書空悵望監門何日繪流民

得吳稼軒書卻寄

聞君歸去掩柴荆料理東皋數畝耕遠避軍聲忘巧拙
獨看星氣卜陰晴風塵何處求名郡燈火經年別友生
應有一言能贈我夢中亭堠尙分明

晁星門臨行以詩卷見示漫賦長句爲贈並示令

子子明

承亮

憶昔我年二十一京兆方輟風檐筆驅車郭東一刺投
高齋甫升屋端日郭東跣跣居人稠君時閉戶攻著述
西江書賈瑯邪翁謂君愛我無與匹寶文刊本疇所珍
持以贈君訂膠漆

君搜輯先代遺書凡數百種名禮舊藏有道院集要儒言客語具茨集皆

敦夙好齋詩續編

卷七

九

君家明代寶文堂所刊舉以奉贈
爲訂交之始時道光辛卯八月也

少年意氣高青冥每

於學流必促膝科名拾芥羞復言坐厭帖括是何物繁
君與我最親暱不顧旁人笑吃吃聚散離合心則壹修
名不立轉驚恍君年六十復有奇我亦蹉跎四十七東
西南北游宦人羨君高尚謝簪紱今年卧病春風天君
來叩門語甚悉經旬我起聞君名急召童僕翻悅惚披
衣力疾欣握手別後事難頃刻畢圖書浩渺歸烽煙家
室流離莫窮詰相看舊景徒茫茫空餘豪氣猶勃勃昔
見君子纔象勺髭鬚條已頷頰密昨示我摹漢石文點

畫神采爾無失傳家請終古易編

君先世說之公著識有古易十二篇

字先入洊長室長安故交惟我存孤館秋燈感蕭瑟君
今欲歸未敢留消息蒼茫阻遙驛有僕昨辭潁水濱潛
攜詩卷賊中出舊讀愕如隔世逢爾我交情見茲帙我
生蹤迹難自必共誓晚節樹嶒峯世途梗塞愁蓬萍吾
道謬悠送鴈蟀橫天待振威弧弦遁身休事鑿坏術它
年許造山中廬釀酒期君早收秫

獨游龍泉寺

秋淨平原氣漸寒獨來蘭若一盤桓幽花何意迎霜好

野鳥無端向曙歡
廣殿鼓鐘禪思永
諸天龍象畫圖看
老僧不許緇塵擾
寂寞蒲團夢亦安

獨立

寂寂中庭地依依
獨立情野花矜晚
豔殘蝶弄秋晴羣
動此時倦斜陽空
外明不勞車馬過
憑几事經生

問道

問道海塘決東南
未易支鹵波聯郡
邑幕府正旌旗誓
算功焉補流亡衆
可危雲帆秔稻重
何以備京師

紀游

馬足車輪未肯休眼中何計散煩憂
秋風隨意尋僧寺斜日招人上酒樓
五劇三條塵隱隱哀絃急管思悠悠
愁來孤眺誰堪問遮莫年華倚荊綵

汪仲穆許海秋楊汀鷺將游西山不果

西山去百里日向車馬見遠近猶一致
陰晴每千變鸞鶴从招垢塵媿迎面
三君負遐抱胡亦擔簦倦纏綿
山澤思儻徇雨風歎豫想所歷勞甯深
未至戀浮名慨京洛萬事悲燕鴈
清秋氣方深好景去彌眷惓惓
尊酒情相與歡歲晏

秋晚卽目

羣鴉已滿林中寺斜日遙明水畔樓極目關河霜漸緊
垂楊且爲駐餘秋

阜城門外作

阜城門與郊垆接無限煙光繞郭迎木葉乍疏秋路遠
水風微動暮天晴因人轍迹終朝倦攬鬢霜華積歲縈
入市不堪回首望青山猿鶴有餘情

八月晦日同汪仲穆許海秋游龍樹寺登樓小憩
歸飲酒肆

長安豈鄉里爲樂有朋儔
侵曉望郊郭高秋倚寺樓
寒聲葭葦亂遠色鴈鴻愁
且共酩酊醉斜陽未肯休

敦風好齋詩續編卷七終

男恩頤謹編

敦夙好齋詩續編卷八

丁巳九月至十二月

漢陽葉名澣翰源著

薇省二集八

九月初一夜與汪仲穆楊汀鷺朱伯韓王霞舉小

飲

寥泚天高欲送秋一尊好與素心謀文章潦倒供人笑

歲序蒼茫忽我適且喜無神在箕口

霞舉爲予推子平

那堪入

夜望旄頭吾儕各有臨風感衫袖何須淚點留

久不至慈仁寺賦寄寺僧

秋風不入城西寺寂寂寒松未了青帶露菊枝宜爛漫
當頭松籟更清冷老僧兀坐禪爲事舊侶兼旬屐未停
知否重陽消息近暮天雲物漸凋零

郊游

鞭絲帽影夕陽中獨向寒郊感未窮樹葉涼飄天半雨
蘆花低颭馬頭風追懷詩侶行春棹欲訪僧寮聽遠鐘
望斷豐宜門外路荒烟衰柳自冥濛

過長椿寺

老君堂側夕陽斜蕭寺蒼涼一駐車僧有餘情話朝籍

客來無語對秋花明燈細雨今年別去年秋夜蔣叔起汪仲穆及余來此
聽雨野竹寒松幾徑遮舉首塔婆金碧爛空教勝地付囑
鴉

送吳蓮芬歸揚州

旅食不得意言歸邗水濱亂餘思隴畝老去覓鄉鄰
夢巴山遠離愁薊樹新秋風返張翰豈獨爲鱸蓴

寄高寄泉繼珩

居庸幾千仞巖翠晝常陰之子正高卧山中秋已深懷
人滯消息得句寫幽森是我昔游地因風生遠心

送人

桑乾萬株柳蕭瑟不堪聞故國斷消息殘秋更送君煙
波且高唱風雨復離羣何以申遐想秋空有片雲

閒曹

閒曹薄笨車迤邐子城斜望遠幾歸鳥殘秋飛暮霞寒
花聊自適濁酒那須賒大道笙歌急紛紛爾莫譁

家雲巖

圻

藏梁山舟學士書後赤壁賦秦宜亭教

諭

炳文

爲之補圖合裝成卷

書名杭郡貴畫本錫山傳手筆成雙絕文章幾百年興

懷頻展卷憶舊一茫然風月臨皋地空悲劫後天

高寄泉來自居庸關將與慈仁寺九日讌集口占
爲贈

君隨鴻鴈至昨日別居庸且酌重陽酒高吟報國松

本名

大報國慈仁寺黃花感羈夢白首抱疏慵卻顧彈琴峽清秋積
翠重

偶成

香車絡繹翠微行門第崔廬未可輕但使山靈能媚客
管教猿鳥不相驚

九日入直不獲與同人登高

簪毫趨右掖載酒負良辰一笑東方米翻輪栗里巾寥
天作風雨歸興只鱸蓴獨騎成惆悵登高問幾人

城南

城南達城北未覺客行遙林鳥呼風雨秋山變暮朝幾
人金埒馬何處玉樓簫暫就僧寮憩清風送寂寥

答劉醉白

際柏 二首

登高罷清興客舍已重陽忽枉新詩贈翻驚歲序忙車
塵感歧路戎馬念江鄉一醉無他事青天望渺茫

勵學經爲貴他年致用稱好懷
荆客璞莫負趙游登櫟
櫟吾堪笑風雲爾勉能遣愁吟
思健餘事話寒燈

次韻答許海秋

飛蓬辭本根不辨西與東
人生立天地焉計達與窮
二儀旣已判逝者何匆匆
昔聖以自勵遐哉川上蹤
梟鳳不並翔蘭艾難爲叢
生性別秦越一視安能同
超彼夷惠外默契方圓中
霜落羣卉賤保茲凌陰沖

重陽後二日下直飲孔繡山寓邸

聯騎出東華城西路未賒
主人留客醉狂嘯任冠斜
黯

淡雲垂戶蕭疏菊有花壺觴重九負餘興償君家

天甯寺遠眺

已過重陽還幾日廣甯門外劇銷魂紅裙翠袖紛成隊
衰草寒雲別有村歌嘯無端酬白日關河回首易黃昏
狂來獨上陂陀望孤抱蒼涼孰與論

朱伯韓招飲

九門日落散煙霏有約街南共解駢遠樹殘雲秋意滿
濁醪鮮鱸客情非頻年烽火天難問昨夜江湖鴈已歸
燭跋更深未能別如君雅抱近今稀

李竹朋

佐賢

于九日訪李季雲

恩慶

於盤山下村

舍歸後以詩見示作歌賦贈季雲

竹朋官知府季雲官鹽運使告

歸多年

李侯別我旬日久忽向三盤作重九三盤故人東道主
高樓同醉一尊酒太行東走漁陽陘雄關力抗奔滄溟
羨君形勝在胸目奚止圖畫窮丹青醫巫閭勢聯藩屏
長白峻極神州靈壯游可惜足未停秋光一瞥如流星
歸來新句探袖出俯仰閒情事非一令我讀之益惆悵
何似宗生卧游筆人生佳節安可忘鞍馬來去神飛揚

嗟我窮歲中書堂點綴文字慚朝行三盤故人遙在望
欲往從之不得將黃塵大道空徬徨

同高寄泉丁頤伯仲山酒樓小飲

立冬前五日

街南咫尺酒家尋邀客高樓更一臨市邇渾忘車馬鬧
秋殘無那雨風侵冥冥去鳥沈初夕濫濫明鐙勸滿斟
卻媿文書勞應接不妨歌歎慕山林

暮秋雨後獨游龍樹寺登看山樓

殘僧將鬻寺過客許登樓昨夜雨風至關河鴻鴈愁年
光判人事吾道敢身謀山翠紛盈眼斜陽獨我留

偶過一小園漫成

略有林亭趣蕭寥已送寒高風櫟葉下冷雨菊枝殘來
去誰能定春秋好逐歡會須勤種植留與後人看

右安門外小憩

天風浩浩吹愁思白日堂堂送壯夫隨意歌呼成野飲
那須肴饌飭行厨雕軒繡戶今安在去鳥游雲未覺孤
觸撥閒愁銷不得荒郊獨立捋髭鬚

展重九日邀朱伯韓許海秋李子衡方子穎

鼎銳

王霞舉楊汀鷺吳子珍譚仲修集飲市樓海秋卽

席得蒼蒼月東出句同人分韻足成之余得買字
市樓何亭亭俯視萬景矮相謀縱一醉那惜十千買座
客歌同聲庸保走且駭追續九日歡舊事足模楷賴茲
素心人聊作柴桑解旅蹤悽露霜鄉思阻橙蟹殘燈漸
無輝清猗半空灑蒼蒼月東出舉杯望溟解

卽景

繡漪橋下水繚繞達城隅午日堪調馬殘波尙浴鳬蕭
慘官道柳寂寞酒家壚忽覺愁心遠霜風拂鬢鬚

初冬王霞舉招同朱伯韓許海秋楊汀鷺馮魯川

志沂

小飲李子衡未至卽席分韻得愛字

霞舉家山西

列衛寒氣深數星炯將晦故人飲我酒行觴忽騰嘅憶
昨十載前策馬句注塞關山送悲歌憑高攬并代歧路
倘汝逢難噤三尺喙荏苒倏至今秉燭市壚對長安門
九閨錢粟困闐闐束手嗟流離監門事孰續丈夫許國
心隨地見忠愛憂來一矯首欲語不可耐江海多風塵
將帥冀榮敦君言客征年道逢點行輩兵甲散不收迨
遙恣情態以此充軍行

胡郎切

焉足敵所愾勸君且勿談

縱飲消憤慨天心果厭禍經綸自有在吾儒惟一經素

位无結閔願揮魯陽戈時乎不可再朋儕足爲歡用寫我心痗

敝車行

敝車日走東華門中書官職焉得尊亭午了卻公家事
出門一望煙埃昏十餘年前諸老輩言論丰采心每愛
千春百里判所向徒步蹒跚不知退世事紛如棋在枰
途人驚若馬腫背霜風夜夜號林柯長安道上飢寒多
一寸枵枵等金貴朱門酒肉傾江河拙宦空飽天倉粟
許身稷契將如何欲尋原野恣登眺乾坤瀕洞容我傲

年華半百逼人甚斜日飛騰首孤掉江關兵氣何時潛
儒生不識幽明占司天晨向省中奏隆冬澤溢饒魚鹽
欽天監題本立冬風從西南坤
方來據占書水泛溢魚鹽倍多

暮秋過慈仁寺

野圃疏籬動遠情老僧枯坐略逢迎參差返照松篁影
縹緲虛堂梵唄聲愁鬢漸隨秋色淡詩心遙對暮峰清
喜無裙屐來相擾不礙荒林緩步行

夜懷吳稼軒

蕭蕭落木響高林矮屋虛窗獨坐深燭燼低徊前日事

事見方外詩集卷一
酒酣振觸暮秋心霜風千里催鴻鴈燈火終宵拂劍鐔
忽憶故人經歲別楚雲淮水夢來尋

寄高伯平

東南耆舊今飄零眼中忽見高伯平伯平爲學挾奧竅
抗手千秋業孤邵清淮秋盡多螟蝗兵戈未罷天滄涼
感時撫事一尊酒問君何如慨且慷神交千里洞肝鬲
那必形影隨朝夕贈我典冊怡心魂知君此事久深析
盛名不願臺閣登垂老轉悲賓館迹憮然動我仰空歎
作作星芒指太白蟲沙猿鶴紛迷離吾輩低首惟文詞

朔風瑟瑟送征鴻憶汝江干菰筍肥

夜赴淀園

星斗寒垂紫陌光敝車載夢入長楊周廬燈火諸曹接
十五年來事未忘

初雪散直張午橋舍人

丙炎

邀同許海秋李子衡

小飲

禁掖颯微雪北風歸騎涼故人昨朝至邀我酒壚旁雞
肋憐浮宦龍泉問傲囊離離樽畔燭搖影入蒼茫

題徐孟卿郡守

志導

瀛壖雪騎圖

孟卿今官直隸是圖紀咸豐三

年從軍

河間事

送君辭右掖慷慨逐旌旄大雪瀛洲路書生匹馬豪圖
成粗紀遇境往久忘勞話到年來事何時共濁醪

冬至散直孔繡山招集酒肆是夜復飲許海秋宅

二首

右掖公歸後相將問酒家朔風送裘褐醅酹卽生涯暫
憩趨槽馬時聞止樹鴉沈吟前日雪側帽出東華

縱飲連朝暮街西許舍人笑談愛鄉里文字誓交親椽
燭渾忘跋悲歌各有神預愁鐘動曉促我又蹄輪

吳子珍譚仲修招同人小飲

良宵成小聚人事又凋年
都會幾詞侶狂歌明月天
兵戈罷消息饑饉念街廛
相顧無多語筵終意惘然

挽劉玉階

憶昨春鐙夕蕭閒數子游
方思續觴詠忽爾卽山邱
貞

石孤衷託遺文敝篋求

君臨訣時屬汪仲穆選定
傷心

公退日掉首望菟裘

君桐城人世居金陵所謂安園也

答吳誰盒

重光

垂老客燕趙一椽廛市閒
才名戀餘技

君工篆刻
襍被抵空

山征鴈天涯夢孤鐙午夜閒忽聞清詠發泉壑送潺湲

答譚仲修

一醉忽旬日寥寥舊酒樓多情甘疾疾鍵戶任牢愁北
土風何厲南飛鴈未休萬端憑棄置嵇阮豈吾儔

雪後車中作

瘦馬北風際行行殘雪中寒光動寥廓曙景漸曛曠欲
使民生遂還憑造化功平生無寸畝薄宦願年豐

出門

出門抖擻舊朝衣游宦京華罕所依懷抱未能追古昔

行蹤那必羨輕肥斜陽渺渺辭寒郭殘雪遙遙入翠微
偃蹇一車逝安往掉頭扃戶叩金徽

偶成

嶽嶽中書省委蛇送歲年捫心惟謹慎望古勵貞堅劣
馬衝風疾龙裘禦雪便掩關孤燭底一卷與纏綿

放歌答許海秋

城南城北多高樓三日不醉心煩憂拳峰詩老近咫尺

海秋所居簿書困我疏賡酬北風撲面寒似鐵紫閭丹

日拳峰閣樓昨飛雪東華門外貴游地獨策疲馬行蹙躡閉門敢

著虞邱書封侯莫羨關吏繻几上陰符誦未已興酣擊
劍思風胡富貴功名視時會愚智參差若著蔡仰天大
笑雲洋洋萬事飄然一簫籟許侯許侯江干居江干有
我先人廬天涯一望烽火靜與爾泛宅隨鷗鳬

得符南樵濟南書近得風疾

孤館明湖路殘年遠道人裁書含涕淚卧病阻交親蓬
華歸宜決簞瓢味最真休將名譽誤皓首作閒民

大風車中作

客夢及晨覺塵途亦足豪車箱等舟楫天宇走風濤行

止焉能卜升沈任所遭囊中清俸在一爲博酩酊

冬至前九日韓介孫招同汪仲穆朱伯韓許海秋

吳彥堂

家楣

楊汀鷺鍾辛伯聚飲伯韓言是日五

十五初度同人以爲此春酒以介眉壽分韻余得
壽字

長安歲寒辰爲歡賴朋舊韓侯卜嘉夕招我飲芳耐座
間桂林翁總角與君覲撚鬚忽長笑弧矢感初授眾賓
齊舉觴爲誦詩語壽于時冬漸深一陽待風候不有陰
氣凝何以幹羣竇下弦月未升光芒錯星宿預盼飛雪

繁凍雲釀遙岫客子畏輶床納手斂襦袖城郭嗟流離
江關尙征鬪憂來杯莫停爛漫謝嘲詬

視汪仲穆疾

執手忽牀寢心驚吾故人前宵縱談讌幾日轉悲辛燕
薊冰霜地文章砥礪辰清羸君自攝葭琯漸回春

城東某氏園林

雲拏不成雪閒庭啼亂鴉繁聲遠去聲塵陌急景問年華

煖窖花枝活鋪茵地勢斜那須感搖落春色正紛拏

晚望

隆冬晷常短寒色望層城大道眾雅散朔風枯樹鳴嚴
霜天氣肅遠火市廛明寂寞他鄉客難銷歲晏情

暮過許海秋宅

飛塵出宣武忽漫到君家向晚停車少閒門眾雀譁寒
花仍爛漫涼竹自橫斜坐久一南望愁心入暮笳

懷郭羽可前輩

儀霄

青原山下客甘載去京師滄海詩聲大青雲竹勢奇樽
前餘激宕兵後想支離卻願東華直天涯定我思

夜憶慈仁寺

送秋此來憩一別又深冬行就殘僧飯同看古殿松詩
心寄遐曠游侶漸疏慵皓月明如晝遙遙靜夜鐘

趨直

趨直逾長至辛勤日在公幸依

三殿近敢謂五花工畢務慚庖饌將車避雪風東華陳

犒賚節候遠方同

每歲冬季東華門外堆列黃羊等物皆用以備犒賞藩部者

贈何伯凝

裕

卽題畫象冊

伯凝宜興諸生成豐丙辰館于吳門時潮勇之

在吳者潛蓄異謀肆行無忌君督練勇往殲其類君之于太生年方十五首先禦敵吳郡得以無恙實君之功也此冊寫君及令子小象而門弟子亦附見焉

先生真大勇稚子亦能軍試酌薊門酒回看吳苑雲青
琴方在御絳帳更多文請擊中流楫還成一舉勳

應官

僻性厭塵土閉門當

去聲

軸適澄懷納今古過眼送羲娥

日下詞流聚春前酒債多應官獲餘暇乘興事婆娑

喜汪仲穆新瘡

連朝正惆悵入戶審顏容那計城闌遠翻疑夢寐逢何
山魘黃獨結侶比青松欲續郊游約春來挈榼從

送郭藕舫郡守

志融

官揚州

郭侯昔治蜀比戶稱仁賢及官皖江日一如巴蜀年大
鵬偶然息神駿終騰騫鄉里居弗樂跋涉遵幽燕

天子知君名記注屏風前出典淮海郡可令宏猷宣賤
子值京宦乍見欣夙緣連朝雪風厲寒氣衣裘穿沽酒
誦君詩愛我殊拳拳瓜州正馳捷厚賞酬戎旃上游庶
有身側耳郵籤傳丈夫樹勲績韓范思齊肩五十年未
晚努力揮長鞭矧茲揚州地浩劫頻烽煙積骨蔽城野
存者尤堪憐往撫瘡痍民教養期無偏教養通戰守一
身指臂聯旣斂羣醜魄庶使疆圉全知君洞機要救敝

惟一專爲歡苦期迫分手空煩煎贈章代祖餞聊布心
纏絲

十一月十八日許海秋生辰前六日也同人醵飲
爲壽卽席分得章字

許侯奉汝一杯酒百歲齊年未可量

禮與海秋同生
於嘉慶辛未今

夕旗亭欲風雪吾儕官職但文章金迷紙醉蒼茫際劍
舞琴歌寂寞場車笠有情盟異日更闌客散月中央

雪中以事赴淀園歸後許海秋見示同人集龍樹
寺之作依韻和之

西山浩飛雪眾象鏡中見攘攘車馬區至夜爲之變同
雲萬戶夢我勞詎堪羨及歸得閉門取醉屏他戀藹藹
吾故人沈沈寺樓讌翹首思鄉關行蹤感畿甸時和沴
云消年豐穀可賤一獻平淮篇毋忘待漏院

讀安吳遺箬追懷包頓伯丈

世臣

章門昔僦屋包叟時來過不異幼所見鬚髮嗟已皤謂
我所業是讀書當有科座中傳與鄭卧雲元甫雨翁譚笑心靡
他垂老尋白下遊倦文章多悲哉卽長暮江表紛干戈
耿耿九原下歲月愁羲娥平準久無效河渠今頽波請

視安吳編所謀當何如

東華

東華第幾坊撲面北風涼宿鳥驚朝霽明駝帶夜霜隆
冬人事促匹馬禁垣長垂白關門吏朝朝笑我忙

消寒第一集題王霞舉天街蹋雪圖分得葉字

大宇雲茫茫廣衢風獵獵披裘者誰子緩步忘繭茶
幾門九閨環環萬樓堞一雪孚

皇心千室遞歡愜不履五侯第甯彈旅食鋏呼朋尋酒
帘暢然對樽榼世味殊甘辛歲寒視柯葉凍禽噤無聲

明駝遠浮氈出門浩靡涯寒氣啗醺頰迤邐旋我廬江
東獻大捷

夜東高寄泉

兼旬偶談讌蹤迹亦云疏高詠動遙夜長衢只對廬雪
霜日方厲燈火孰相於那許平皋上東風去荷鋤

十一月二十九日消寒第二集何青士齋中盆菊
名老君眉者盛開同人分得和字

已過重陽八十日一樽對菊共高歌晚香留得秋容澹

清影翻嘲柱史皤

老君眉一名柱史眉

結伴筠松忘歲暮逾時霜

雪養天和何郎不負吟花興東閣官梅未足多

得魯通父書卻寄

一廬大河北學業久云尊奮筆自孤往養真常閉門書
來歲將盡老去性彌敦巾履城南地飄零舊酒痕

入直書懷

久抱素餐歎休言朱紱新疏才登上考拙宦媿

昌辰驚馬空陳迹鷓鴣念此身低徊庭樹影相伴幾經
春

訪汪仲穆於武進邑館有贈

行止嗟何定先生且蹶然冥心尊舊學局戶慰殘年憔悴新豐旅蕭寥內景篇相期惟拙養身外盡蹉跎

鮑子年舍人

康

以唐善業塋造象拓本屬賦

并序

右造象後題楷書陽文三行曰大唐善業塋壓得真如妙色身凡十有二字善業塋前人所未著錄劉燕庭布政丈

喜海

道光庚子官峽中于慈恩寺塔下拾得八事

詫爲希有後十年己酉鮑君子年從薦福寺僧乞得其一拓墨裝冊以示同人題詠塋廣韻有此字塗也泥之俗

造象肇自南北朝後代形製殊分清範金勒石競諛諂

不聞匠藝施甄陶嘉蔭移中富編錄

劉燕庭丈著有金石苑嘉蔭移其書

也慈恩訪古履綦熟碎玉零璣休等閒得傲前賢意已

足薦福老僧君與游大笑緣覺非難謀手持片璧最完

好體質堅密苔花稠禪師奉使昔徵記宰堵坡崇域外

制畢秋帆制軍沅關中勝蹟圖識引宋張禮城南游記

慈恩寺屬塔唐沙門元奘所建效西域率堵坡塼表

土心余友蔣子瀟湘南謂此造象當卽塔表塼其說甚是大唐西域記元奘所著

皈依善業伊

何人惜哉竟不留名字幻出真如妙色身法界光明莫

思議請將灰劫問昆明幾輩靈根證忉利書家低首媿

不如褚薛神摹更餘事

楷書筆勢近褚河南唐薛稷善書師褚時人曰買褚得薛不落

節因借用其語

舍人蹤迹長安多好古欲與歐陽科興亡莫話

李唐日金錢百萬悲宮娥

咸甯縣志薦福寺浮圖景龍中宮人倖錢所立

消寒第三集許海秋舍人自斜街買唐花歸屬同

人賦詩得人字

徒步斜街路脩然老舍人不勞尋酒債

海秋近節飲

未覺買

花貧斗室雪霜避吾曹鐙燭親回看庭畔竹寂寞歲寒

身

敦夙好齋詩續編卷八終

男恩頤謹編